

IN FVNERE
 S C I P I O N I S
 C O B E L L V T I I

S. R. E. C A R D I N A L I S,
 TIT. S. S V S A N N Æ

O R A T I O
 A N G E L I G A L L V C C I I
 E S O C I E T A T E I E S V.

*Habita Romæ in Templo Domus Professæ
 eiusdem Societatis.*

BIBLIOTECA
 ROMA
 VITTORIO EMANUELE



ROMÆ, Ex Typographia Francisci Corbelletti. MDCXXVI.

SVPERIORVM PERMISSV.

IN TVNBER

SCIPIONIS

CORRELLVITII

S. R. E. CALVALLIS

T. B. S. S. S. S. S.

ORATIO

ANGELI GALVALLIS

E. SOCIETATE HEB.

Habere Rome in Templo Divinae Providentiae
eiusdem Societatis

ROMA: Ex Typographia Societatis Calvallis. MDCCXVI.

LAPIDARIUM PERMISSUM.



ILLVSTRISSIMIS
VITERBII
CONSERVATORIBVS



VITERBIENSE COLLEGIUM
SOCIETATIS IESV FEL.



EXTINCTVM non ita pri-
dem Urbis vestra splendorem, sa-
lutis nostra presidium, SCIPIO-
NEM, S. Susanna Cardina-
lem; semel à nobis Roma, iterum
Viterbij, nunquam samen, et
nusquam satis debitis parentalibus
deploratum, ut immortaliter in
toto terrarum orbe lugeremus, orationem hanc, in eius Roma-
no funere habitam, regionum immensitati, typorum aterni-
tati destinauimus. Ut vero una, eademque opera testifi-
caremur et nationibus vniuersis, et consequentium posteri-
tati saculorum, quantum beneficentia quoque vestra debea-
mus; vestri Ciuis Optimi, Maximique laudibus vestrum
nomen praescribere decreuimus. Quo fiet, ut nemo Principis

integerrimi virtutes hic adumbratas relegat, & pernoscat;
 quin simul perspectam habeat religiosam in nos humanita-
 tem vestram. Vos enim unà cum eo parentes agnoscimus,
 & salutamus: imò vos hoc maxime tempore tali nomine
 colimus, ac veneramur, quo benignissimo illo patre orbat, ac
 destituti pupilli sumus. Et quando Cardinalem COBELLV
 TIVM olim in terris, nunc, dei speramus, in calo praesidem
 & vestrum, & nostrum reddimus vobis in hac virtutum
 ipsius commemoratione spirantem; reddite vos eundem nobis
 in vestri patrocini benignitate viventem, atque ex ipsa
 morte in benevolentia vestra immortalitate superstitem.
 Ad felicitatem publicam diu valete.





ORATIO.



LAVDANTIS equidem partes, an
 potius lacrymantis, Præsules Illustris-
 simi, cæterique Auditores ornatissimi,
 hodierna sim acturus luce; quæ nata
 de mortis umbra, multum instar pa-
 rentis habet in vultu; & extincto vir-
 tutum Sole, pro stellis faces accendit
 lethaliter luculentas, & splendidè lu-
 ctuosas; quæ copia laudum inopiam
 verborum præcreante, ab oris silentio traductus ad eloquentiam
 oculorum; quæ doloris ingenio quamvis impeditam, exemplo
 veteri, linguam enodante, reuocatus ad flebilem usum vocis; at-
 que utrinque confusus ac perturbatus, inter horrorem funeris,
 inter mœroris tenebras perspicere satis, ac dijudicare non pos-
 sum. Laudes, & eas quidem ad materiem vberes, ad merita
 præclaras; ad memoriam æternas, iure sibi vendicant suo,
SCIPIONIS S. Susannæ Cardinalis, nuper ab humanis, uti spes
 est, ad diuina transcripti, res præclarissimè gestæ: lacrymas ve-
 rò præcipit, & Christiani generis vniuersitas, quæ tantum sacræ
 purpuræ lumen extinctum dolet; & nostra præsertim religiosa
 familia, quæ non tam beneuolum Principem, quàm prouidum
 Parentem sibi luget ereptum. Vtram igitur hic ego præcerpam
 dicendi segetem? quem potius orationi meæ campum præscri-
 bam? Integerrimi Principis virtutes, quæ sua se luce spectabiles
 reddunt, ut perlustrem, earum inuitat copia, magnitudo, præstan-
 tia: benignissimi Patris obitum ut deplem, illi maximè debi-
 tus grætiæ beneuolentiæ sensus impellit. Si **SCIPIONIS** vitam
 respicio, exornationem requirit: si **SCIPIONIS** mortem intueor,

complorationem expectat. Lacrymas vocat præsens calamitas; laudes accersit antea acta felicitas. quod talem habuerimus ordinis nostri defensores, gratulandum est nobis: quod talem amiserimus incolumitatis patronum, dolendum nobis est. Quantum bonorum ad nos DEVS immiserat! quantum nos ad DEVM remisimus! O nimis illustrem & oriendo nobis, & occidendo Christianæ Reipublicæ Solem. Et nostras ergo lacrymas, & SCIPIONIS laudes vna oratione complectar: siquidem quidquid illi viuenti peperit gloriam, nobis illo carentibus dolorem parit: eruntque propterea tum ipsius laudes lacrymosæ, tum nostræ lacrymæ laudatrices. Utinam, Auditores, extinctam hanc viuæ probitatis effigiem tam accuratè verbis possem ipse describere, quàm affabrè Princeps optimus, dum viueret, partibus absolutam omnibus formam purpurati Senatoris expinxit in sese: nihil ambigerem, quin omnia prorsus in eo tanti muneris lineamenta, omnes Christianæ ductus integritatis, ac dignitatis tractus agnosceretis. Sed quando multò peritior ille fuit bene viuendi, quàm ego benè dicendi; superabitur opus à materia: tantarumque sub mole laudum laudator iure succumbet. Quoniam verò ad exprimendam in se spirantem Ecclesiastici Principis Ideam tres præcipuè colores adhibuit SCIPIO, Amorem, sapientiæ, Neglectum pecuniæ, Studium pietatis; eosdem ego colores, dilutos tamen lacrymis vsurpabo, ad mortuam eiusdem adumbrandam imaginem, & vestræ humanitatis in bono lumine collocandam.

Augustissimum olim Persarum imperium, vnicè in terris habitum cœlo par, inter innumerabiles regiæ potestatis administratos, quosdam recensuisse fertur, qui Regis Aures, atque Oculi dicerentur. sapienter id quidem. Cùm enim admodum pauca, ut ait ille, vnus aliquis audire possit, aut cernere; cumque plurima Principatus complecti debeat, ac propemodum infinita; multæ sint Principis aures, multi oculi, necesse est. Genium hunc titulum & muneris & honoris purpuratis quoque Vaticanæ curiæ Patribus accommodari posse quis abnuat? quando caput illud humani generis à Diuinitate secundum, quod triplici d iademate coronatum Christianorum vniuersitas veneratur,

ex Magni Gregorij præscripto, sit oportet intus, atque in circuitu oculatum. Hos verò celsissimi capitis vigiles Oculos ad publicam tranquillitatem excubantes, sapientia præsertim illustres esse decet, ac literarum beneficio perspicaces. Literatos enim viros duplo, quàm alij videant, acutius introspicere, Poëta veteris dictum est, an oraculum? Et varietate doctrinarum Aures eruditæ quàm gloriosè sibi, salubriter alijs operam suam impendent! Iure igitur Oculi appellatione celebrabitur SCIPIO S. Sufannæ Cardinalis; propterea quòd in omni ferè disciplinarum genere multum vidit, atque in ijs cognoscendis totus penè oculus fuit. quia verò pari erga literas, & literatos viros benevolentia præditus, hos benignus audiuit, liberalis excepit, facili complexus est animo, meritò poterit Auris, quæ dicata olim fuit Misericordiæ, nomine decorari. Longum hìc esset eas enumerare singillatim doctrinas, quibus ille vel à teneris annis expolitus, dignum se præstitit, qui gravissimis Christianæ rei negotijs imponderetur. Vix enim rectis insistere gressibus cœperat SCIPIO, cùm primos fecit passus ad Eloquentiæ spatia: in quibus ingenij, iudicijque sui altè reliquit impressa vestigia. Annorum quippe florèm, vitæque primitias, *bonam sortitus animam* puer, non in publica iuuenilium voluptatum via mollium illecebrarum ludibrio deterendas, & conculcandas dedit; sed annos præveniente maturitate consilij, in sapientiæ templo, ad aram eloquentiæ dedicavit. Hinc ille satis vberè verborum, & rerum copia locupletatus, ad graviora Philosophiæ, Iurisque prudentiæ studia se conuertit. Sed nusquam fortasse stabiliorem SCIPIO fixit gradum, quàm in eruditione multiplici ex antiquæ monumentis historiæ colligenda. Hanc videlicet adoptauerat ille sibi præ cæteris, & suæ vitæ magistram, & indicem alienæ. Nouerat enim oculatissimæ vir mentis, longum iter esse per philosophica præcepta morum; at per historiarum exempla, compendium: ibi rerum documenta gerendarum in illustri posita eo salubriùs, quo iucundiùs posse condisci. Neque fortasse nescius erat, sapienter Historiam appellatam à Tullio fuisse veritatis lucem; sine qua exempla omnia iacerent in tenebris, atque obliuionis nocte sempiterna: à Sigulo Diodoro custodem vir-

rutis illustrium virorum ; testem improbitatis malorum ; in humanum genus omne beneficam : à Plutarcho speculum , in quo facilè quisque possit ad alienam integritatem componere atque ornare vitam suam : verissimam disciplinam , atque exercitationem ad res ciuiles à Polybio : conglobatam , & coaceruatam sapientiam , hominumq. multorum mentem in vnum collectam à Nazianzeno Gregorio : vaticinandi vim , qua conijci futura possunt ex praeteritis , à Nicephoro Callisto : totius prudentiae compendium à Cassiodoro : ab alijs demum alijs laudis commodique nominibus cohonestatam . Quibus ipse monitoribus ac magistris , consueuerat mentem suam non alia magis pascere , ac recreare doctrina , quàm frequenti cognitione rerum ante se gestarum . Atque inter omnes antiquitatis annales , illi prae cæteris in manibus , ob oculos , & coram præsentissimo animo frequentes erant , qui Christianæ rei memoriam . opinem ab ipso fundatae religionis exordio , DEOque in terras lapsa , cum pari eruditionis , atque prudentiæ laude complectuntur : quos nempe lumen illud purpurati Senatus , occasus experts , Cæsar Cardinalis BARONIVS diuturnitati temporum , æternitati nominis , vtilitati mortalium consecrauit . In ea quasi pictura vetustatis relegebat SCIPIO ætatis anteaetæ res gloriosissimè gestas ; & se quodammodo maior , atque antiquior , assurgebat in contemplationem veteris gloriæ , in admirationem laudum tantarum , in imitationem virtutis , in æmulationem integritatis . Ad eam normam exigebat ille , componebatque vitam suam vniuersam : vt meritò haberetur , ac diceretur ab omnibus vir ætatis quidem nostræ , sed probitatis antiquae . Hinc illa nascebatur viuendi ratio semper sui similis , eodem tenore moderationis constans , non afflictis depressa rebus , non laetis erecta successibus ; sine luxu splendida , sine iactatione liberalis , sine fallacijs circumspecta , sine temeritate simplex ; grauitè officiosa , humaniter seuera , opportunè iucunda , modestè beata ; non exposita querelis , non obnoxia liuori , non profusionibus nimia , non auaritia sordida ; semper hilaris , semper continens , semper inuicta : auctoritate potens , integritate præstans , existimatione felix , vtilitate plausibilis , æquitate venerabilis ; vno verbo,

verbo, digna Christiano Principe, purpurato Senatore, Ecclesiæ Cardine terrarum orbis molem sustinente. Quod si tanto, propensæ voluntatis ardore doctrinam atque eruditionem complexus erat SCIPIO; nihilo minore beneuolentiæ significatione, prosequeretur doctos atque eruditos viros. Testis esto nunc mihi domus illius, non tam principis Aula, quàm Regia sapientiæ. Eam sibi domum hæc designasse præ cæteris videbatur, vbi frequenter cogeret sapientum Senatum; vbi bonis ac doctis omnibus bene de se sperandi sustolleret signum. Nullum in illis ædibus discrimen erat nationum aut gentium: quosunque censebat eruditio cultores suos, eosdem suos existimabat SCIPIO populares: quosque longinquo terrarum tractu natura seiunxerat, vnius tecti familiaritate iungebat. Et quemadmodum Roma cunctarum gentium patria singulari præconio dicta fuit: ita Cardinalis, S. Susannæ palatium, terrarum omnium ac literarum domus optimo iure poterat appellari. Quis verò beneuolentiam exprimat, qua probos, ac doctos homines complectebatur? Quis animi demissionem, qua eorundem facillè cedebat ingenio, sententiæ subscribebat? quod in eruditis viris tam præclarum solet esse, quàm rarum. Alia nimirum quaecunque naturæ bona, vel dona fortunæ liberaliter alijs conceduntur:

Qui velit ingenio cedere, rarus erit.

Ad SCIPIONIS denique gratiam atque amicitiam solapotentem inueniebat aditum vel doctrina, vel sanctitas. O pretiosam animam, non auro, non gemmis, sed cunctis opibus potiore sapientia, & morum integritate venalem! Quid igitur mirum, si, qui tanto tenebatur amore sapientiæ, vt vnà cum hominum sapientissimo eam exquireret à iuuentute sua, & amator factus formæ illius praeponeret eam regni & sedibus; & omne aurum in comparatione illius arenam exiguam duceret, & tanquam lutum æstimaret argentum in conspectu illius; quid, inquam, mirum, si diuitias, ambitiosam aliorum mortalium curam, suauem poenam, ac lene tormentum & magnanimo corde contemneret, & liberali manu dispensaret? Vix in amplissimum ordinem purpuratorum Patrum, consentiente bonorum, ac literatorum suffragio, fuerat SCIPIO cooptatus; cum

cum plerique Principum, de more, missis ad eum muneribus, & quasi missilibus, nouum illi, sed meritum, dignitatis gradum gratulari voluerunt. Gratulationem ille, ut vir humanus excepit: munera remisit, ita mihi loqui liceat, ut diuinus. Diuinum enim quiddam est, non capi muneribus; & rectè dicitur: *DEVS meus es tu, quoniam bonorum meorum non es*. DEI quippe dare est, non accipere. quam laudem toto quoque tempore vitæ sequutus est SCIPIO, solitus beneficia donare, non vendere. Verum in ea nouellæ dignitatis lætitia, & quodammodo primitijs Purpuræ, Principis vnus auctoritate, & quatenus tenebatur in illum, grati animi lege coactus est argentea quædam vasa pretij non leuis accipere. Quam verò inuitus atque alienus inferre sibi vim in eo compelleretur, facile significauit familiaribus suis: ad quos conuersus cum aliquo sensu doloris, In posterum, inquit, gloriari non potero vocibus illis, *Aurum, & argentum non est mihi*. O voces ab Apostolorum Principe ad amantissimum eius consecratorem hæreditario, prope dixerim, iure deuolutas! Eas voces ante id tempus Vulpauerat SCIPIO, gloriam à paupertate deriuans, vnde alij sibi ducunt ignominiam. At enim aurum & argentum, SCIPIO, non habebas? qui tot annos in Vrbe Romana, in aulis Principum, in ipsa Vaticana curia, audiendis causis, dijudicandis controuersijs, ac præsertim Pontificijs diplomatis conscribendis, vnde aliquot aureorum millia quotannis prouenire dicuntur, diligentissimam operam elocaras? Quò igitur ista reciderat annuorum summa reddituum? num opes illas in magnificis relictis exstruendis, in ipsdem supellectili splendida cohonestandis, in amplissimis ædificandis villis, in cõmendis agris, in re familiari amplificanda à tua domus administratoribus impendi voluisti? At diligens, atque accuratus Oeconomus tuus ingenuè professus est, ex tantis illis muneris præcipui redditibus nihil ad suas manus peruenisse. cumque tu, recens à purpura suscepta, tuarum ædium partem videres vestitam sericis, partem nudam; hanc Scipionis, illam Cardinalis futuram sedem pronunciaſti. Num id totum pecuniæ, sanguine, atque affinitate coniunctis, muneris loco, tribuebas? At. palam omnibus est, quam

quàm parum abreptus fueris amore carnis, & sanguinis: vt propterea, cùm postmodum tuæ sororis filius multis tibi nominibus commendaretur ab alijs, & laudaretur, veteri te dixeris, ne tam multæ, tamque eximix illius laudes agerent te transuersum, atque inuirum propellerent, vt præuaricareris in beneuolentia tuorum. Quorsum igitur illæ opes euaserunt? Facile vobis erit ac promptum, Auditores, id assequi coniectura. Quas à consanguineis abstinebat SCIPIO, quas magnificis sumptibus subtrahebat, quas ipse sibi, suisque commodis eripiebat optimè partas diuitias, eas pauperibus omni affinitate carioribus, omni splendore potioribus, omni commoditate, ac voluptate gravioribus dispensabat. Verum qui fieri poterat, vt id intimos lateret rei domesticæ administratores? Tam ingens pecuniæ summa fugere potuit oculos aulicorum, in sui Principis rebus satis superque perspicaces? O liberalitatem ingeniosam! quæ dum Principis aperiebat manum, oculos famulorum occludebat: & quàm prolixa erat in eroganda pecunia, tam parcam se præstabat in colligenda gloria: & clam hominibus, palam DEO, meritis opulenta, non laudibus, amabat esse benefica, non videri. O geminatum demissi animi luce Christianæ largitatis splendorem! qui quò minus apparebat in terris, eò magis elucebat in cœlo. Illud etiam est huius loci, quod cum Cardinali Cobellutio cuidam nostræ Societatis accidit viro. Narrabat is optimo Principi Christianorum hominum in Hungarica Turcarum ditione summam egestatem, calamitatem incredibilem, miserabilem planè conditionem. quæ cùm audiret humanissimus vir, à lacrymis temperare non potuit. Neque verò steriles, aut inanes illæ lacrymæ fuerunt. sed vt à vera, perfecta que misericordia nascebantur; in aureum conuersæ sunt imbrem, qui desertos illos populos largiter irrigauit. Centum enim in posterum aureos numos quotannis ad cœlestem eorum animorum culturam largiebatur; cum ea tamen lege, vt tanti beneficij fons perennis occuleretur. Nimirum etiam Nili feracissimi fluminum, ac beneficentissimi caput olim ignotum fuisse fertur. Exterarum quoque nationum Antistitem (quas ille plus, quàm patrio, domesticoque amore prosequabatur) insum-

insumptis aliquando quingentis supra mille numis aureis, sacris vestibus, pretiosoque sacrorum instrumento affluenter ornatum remisit ad suos. Verum quod in his postremis liberalitatis exemplis non solum largè distributæ pecuniæ, sed ardentis etiam in Religionem studij specimen eluxit egregium; ad hanc vltimam laudationis meæ partem, **SCIPIONIS** verò laudem non vltimam, verba traducamus & mentem. Quàm pius in **DEVM** Scipio fuerit, ipsa commemoret optima virtutum indagatrix atque consultrix, arbitra honorum Roma, narret ipsa, quàm assiduus esset in cultu diuino, quanta religionis propagandæ cupiditate flagraret, quàm rectè sustineret hac etiam ex parte nomen atque personam Christianæ reipublicæ Senatoris. Erga **DEI** verò sanctissimam Genitricem, hominumque Parentem amantissimam, quem ille filij sensum, quod obsequium deuoti semper animi præseferbat! Satis hoc indicat vltimum illud, & faustissimum iter ad Lauretānam Virginis maximæ domum, paucis ante obitum diebus, piè susceptum, sanctè peractum, felicissimè terminatum. Ad illud corporatæ quondam Diuinitatis hospitium vbi **SCIPIO** peruenit; vbi parietes illos vidit angustissimos, quibus aliquandiu vixit inclusus, qui cœlestium orbium immensitate non capitur; suppliciter in genua prouolutus, animo veneratus & corpore pauperis domunculæ maiestatem; quos ille concepit intimè sensus integerrimæ pietatis! quas liquidissimæ voluptatis illecebras est expertus! quos in amores exarsit; quos æstuauit in ardores; quos erupit in gemitus! in quæ suspiria exuberantem propemodum è visceribus animam, nec benè mortali pectore conclusam lætitiæ copiam reiprocauit! Lacrymabatur Princeps religiosissimus: & cor quodammodo charitatis igne liquatum ab oculis exprimebat: sed illæ lacrymæ, gestientis animi risus, amoris erant illicium, non indicium doloris. Plorabat ipse sua gaudia: lætus erat in fletu: qui non amarus amanti videbatur, sed eò maximè suauis, quod beata cordis incendia temperabat. Diutius ibi morari, atque etiam mori **SCIPIO** voluisset: vt fortiretur tumultum, vbi thalamum virginalem **DEI** Mater, vbi **FILIUS** prima elementa vitæ quondam habuerat. Et æquum sanè

sanè fuisset, ut ex eo terrestri cælo, ad cælestem veluti terram deucheretur. Ab æde Genitricis ad sedem Filij facilis erat, ac brevis futura traiectionis: per Virginis domum ad complexum eiusdem Virginis amplissimus aditus patuisset. Sed alij Romæ SCIPIONEM expectabant comites, & deductores in cælum. Apostolorum Principes PETRVS, & PAVLVS; ille cæli Clauiger, hic Mystagogus, remunerandam putarunt religionem, quam in ipsos continenter SCIPIO declarauit: dum ad eorum sacra corpora, vel intempestiuo quouis anni tempore, faceret rem diuinam: dum eorundem imagines, ac signa varijs expressa lincamentis vndique conquereret; ac vel apud se domi venerabundus retineret, vel ad ornandum maximum Templum Viterbiense transmitteret, & patriam suam suis delicijs, diuitijsq; cumularet: dum rebus, ac verbis, animo & corpore, priuatim ac publice singularem in eos amorem, atque obsequij promptissimam voluntatem profiteretur. Parant ergo iustissimi Iudices, Ecclesiæ Principes amoris beneuolentiæ vicem, officio gratiani, præmium pietati. Romam Laureto reuersus Cardinalis Cobellurius, tanquam impetrasset à Virgine non tam abeundi, quàm obeundi facultatem, grauem in morbum, & mortem proximam incidit. Quo tempore, humanæ vitæ difficillimo, nouum SCIPIO religionis cum Christiana magnanimitate coniunctæ specimen dedit. Cum enim perniciosissimum vlcus è brachio cum sensu vehementissimi doloris refecandum esset; de tanta acerbitate præmonitus, Agite, inquit, secate, vrite, discerpite. grauiora multò perpeffi sunt CHRISTI Martyres. & illi quidem immerito: meis verò criminibus atrociora tormenta debebantur. O præstantis animi sensum æquè fortem, ac pium! Hauserat hunc ille fortassis ex aspectu, & veneratione frequenti cuiusdam forcipis sanctorum hominum cruciatibus consecratæ: quam ipse pluri thesauris omnibus æstimabat; ac tanquam hæreditatis appendicem longè pretiosissimam Viterbiensi Collegio Societatis nostræ reliquit. Beatorum igitur Martyrum exemplum sibi SCIPIO proponebat: ut etiam in suo lectulo decumbens, eorum virtutem, quâ posset, imitaretur. Iamque vicina mors imminebat: imò plerisque medentium,

7
tium, pro ratione ac tempore morbi, serior præter solitum, ac
segnior videbatur. Dies tandem aduenit, quam Apostolorum
sanctissimis Coryphæis PETRO, PAVLOque dicatam anni-
uersaria summæ lætitiæ significatione celebrare Roma consue-
uit, eorum expiata laboribus, eorum sanguine purpurata. Ma-
ne igitur eius diei, cum ad aures illi religiosus vir insusurraret,
eam ipsi carissimam affulsisse lucem, quæ sanctis eum Apostolis
sociaret; Hac vespera, respondit, hac vespera cum illis ero.
Sive oprantis hæc fuerit vox, siue diuinitas prælagientis, siue
prædictio diuinitus prænoscentis; assequutus est, quod oprabat;
euenit, quod diuinabat; exitu probatum est, quod prædicebat.
Eadem illa vespera profectus est ad sempiternam diem. O ve-
speram tibi, SCIPIO, maximè luculentam. O felicissimam
potius æternæ lucis auroram. Vespera nobis illa fuit, & Chri-
stianæ Reipublicæ, tam salutari, tam benefico lumine tunc or-
batæ: tibi verò diluculum eius diei fuit, quæ non habet occa-
sum. Tuque doctrinæ, doctorumq. Sol illustrissime, tu Sol dis-
pensator opum largissime, tu pietatis studio Sol verè celestis,
ad exemplum Solis alterius, dum nobis occidisti, superis exor-
tus es in æternitatis beatissima luce. Nullam tibi diem illuxis-
se crediderim ea clariorem, quam Principes Apostolorum sua
morte, aut veriùs natali suo consecrarunt: quaque tu die terris
mortuus, ut existimare par est, renatus es cælo. Fuit quidem
dies alter natalis tuus parenti tuo lætissimus; siquidem, te na-
scente, creatus ille fuit Viterbiensis Urbis Conservator; simulq.
lucem hausistis, honoris ille, tu vitæ: fuit idem tibi quoque
sollemnis, quod eo die purpuratos inter Patres cooperatus fuisti;
ut verè dici potueris natus ad purpuram. Sed ille tibi multò
felicior, quo non inter Purpuratos terræ, sed inter cæli Candi-
datos transcriptus es. Illius diei Lucifer, Hesperusq. fuere tibi
PETRVS, ac PAVLVS: quorum alter huius vitæ nostem,
alter æternam aperuit diem. Hæ tibi stellæ prosperam in cælum
nauigationem donarunt: hæ tibi præluxerunt in tanto itinere
foces: hi te duces in patriam felicissimè deduxerunt. Iuisti
tandem, SCIPIO, quod tua te merita prouehabant, iuisti. Te-
nes regna, quæ debebantur integritati tuæ. Procul ab humanis
miser-